

դիմաց, կը շինէ մեծ «ծովակ» մ'եւս, յայնարձակ և պարսպաւոր, ծառուտ և գեղեցկավայել (42):

Երեւանի իմանը՝ Լազկի Սեֆի-Ղուլի, զբօսանքի մը պահուն, կը տեսնէ այս «ծովակ»ը և կը ցանկոյ զայն ունենալ: Եւ որովհետեւ կաթողիկոսը Կ. Պոլիս կը գլտնըէր, կը դիմէ Աթոռակալ Մատթէոս վարդապետին և կը խնդրէ «ծովակ»ը: Աթոռակալը կը պատասխանէ. «ոչ կարեմ տալ, զի տէր դորա է յաշխարհին հայոց»: Զայս լսելով, իմանը շատ կը տխրի: Եւ երբ կաթողիկոսն իր Աթոռը կը վերադառնայ, իմանը՝ զբօսանքի մը պահուն, դարձեալ կը խնդրէ «ծովակ»ը. կաթողիկոսը կը պատասխանէ. «Զիա՞րդ տաց զնա քեզ, քանզի կեանք մեր և կենդանութիւն՝ նա է ի տեղի սերմանելոյ, և հանգստարան միաբանից մերոց»: իմանը կ'առաջարկէ որ զայն այդի ի մը հետ փոխանակէ և կամ ծախէ: «Մեք, կը յարէ կաթողիկոսը, զնա վազմ(նուէր) արարաք իջմիածնի, այլ ո՛չ գոյ հնար ելանել նմա ի դրանէ նորա»: իմանը ալ աւելի կը տխրի, որովհետեւ երկիցս մերժումի բախած էր. այնուհետեւ կը թշնամանայ կաթողիկոսին հետ ու զայն կը ննդէ անդադար, մինչև որ Յակոբ Զուղայեցի կը յաջողի զայն պաշտօնանկ ընել տալ (43):

(42) Անդ, 199:

(43) Զափարիա, 76. Զամբո, 156, 199: